

62

DISPUTATIO MEDICA
De
ARTHRITIDE,

Quam
Foua duce & auspice

SUB PRAESIDIO
D. IOANNIS SIGFRIDI,
Phil. & Med. D. Senioris & Profess. in Illu-
striss. Academ. IVLIA Ordinarij,

&
Colleg. Med. pro tempore Decani
spectabilis,
&
Promotoris.

Pro consequendis insignib. & Privileg.
Doctoralib. in arte Medica,

Examinandam proponit
9. Septembr.

MARTINVS GOSKIVS
L. SILESIVS.

HELMAESTADI,
Ex Typographeio IACOBI LVCI,

ANNO MDCCXII.



THESIS I.

SI sanitatem amissam restituere lubet, omnium eorum, quæ vim naturæ inferunt, ferocia retundenda, oppugnanda, expugnanda; *Heurn. 3. prax. 5.* & extremis morbis extrema remedia adhibenda. *Hip. 1. aphor. 6.* Siquidem malo nodo malus cuneus quærendus. *Heurn. lib. 1. pract. met.* Operæ pretium ergò me facturum confidam, si dolores & cruciatus articulorum grauissimos, immanissimos, qui Palemonem Sophistam tam misere habuerunt, vt sibi ipsi mortem inferret, quamuis difficillimè medicamentis cedant: vt certè satius sit, prohibere ab initio, ne inutilis congeratur humor, docente *Gal. 2. de Fac. nat. c. 8.* quam sollicitum, & occupatum esse, de vacuando: cum præseruatio tantum præstet curatione, quantum sanitas morbo: curâ legitimâ retundere oppugnare & expugnare, cognita eorum natura, in præsentia attentauero.

2. Articulorum autem dolorem ab articulis, qui afficiuntur, & arthritidem *ἄρθρον ἀγρῶν*, quam Barbari improprie guttam dixere, dicimus. Ex cuius genere sunt affectis locis duntaxat differentes. *Gal. 10. de compos. medic.* Podagra, quæ articulos pedum, chyragra, quæ articulos manus *ἰσχίας*, & Schiatica, quæ coxendicem, & extrema secundum ductum nervorum affligit. *Paul. c. 77.*

3. Vnde arthritidis communiter sumpta definitur articulorum dolor, ex interuallo affligens, exortus à subitaneo, & improuiso influxu humoris, ob debilitatem laxa, vacuaq; spacia, eorum replentis, partes nervosas diuellentis, comprimentis & alterantis.

4. Partem quippe affectam asserimus articulum, totum scilicet compositum ex ossibus, ligamentis, cartilaginibus, tendonibus &c. quamuis partibus neruosis, ut sunt membranae, *Gal. 2. de loc. aff. c. 4.* tendines quibus adduntur nerui & cutis, sensum tantum ascribamus. *Paul. c. 78. lib. 3.*

5. Causas arthritidis tum procatarticas, tum *προνυμφίας* sortitur varias, siquidem è *μεγαλαεχπκίων* numero hanc excitare possunt, sex res non naturales, modum excedentes, ut subitae mutationes in calore, frigore, & flatibus austrinis, subsequenter aquilonijs, intemperie aeris autumnali: Exercitia corporis in lucta & certaminibus validiora, praesertim à cibo, Equitatio assidua, quae pedibus sit pendulis, aut non firmiter stapedibus innixis. Somnus pomeridianus, & lucubrationes praeposterae, quae cibos crudos & inconcoctos relinquunt. *Hip. 2. de vict. acut. pag. 56. Gal. 2. aphor. 70. Auic. in 3. doct. 2. c. 3.* Exercitiorum consuetorum intermissio, & sanguinis aliarumque euacuationum consuetarum, quae per urinas & sudorem maximè fiunt, suppressio, aut diminutio, frequentia balnea, ira, subita mentis consternatio, & alij animi motus vehementiores, alimenta quoque quauis biliosa, nitrosulphurea, tartarea, & fuliginosa & praecipuè lætitiæ Bacchus pater & dator Sauanarol. *tract. 2. c. 9. Rubr. 2. cui succedit Venus petulca, pendula & immoderata, praesertim in senibus. Auic. lib. 3. Fen. 13. tract. 1. c. 30.*

7. *προνυμφίων* rationem habet continui solutio, ex affluxu materiae, quae quatenus partes distendit, replet, vel alia ratione dilacerat, & molestat, dolorem excitat acerbissimum, *Gal. 6. aphor. 49.* Ex affluxu enim materiae ad articulum replentur & tenduntur, potissimum membranae & ligamenta, & simul Aëtio teste permadescunt, nerui verò, & tendines comprimuntur, & à vicinis partibus tantum diuelluntur, quia arthritici nunquam visi pati conuulsiones. *Gal. com. aphor. 49. lib. 6.*

7. Cum

7. Cum affluxu materiae vitiosae, concurrunt etiam causa morbifica, articulorum, nempe impotentia, quae mutua sibi adinvicem praestant operam, unde haec patientis, illa agentis munus subit. *Gal. com. 25. aphor. 4.* Natiua autem impotentia succrescit ex primaria structura, & conformatione articulorum, quae laxiores ampliores, & molliores, & ea ratione ineptos ad motum efficit. *Ludou. Mercat. lib. 4. de intern. morb. curat.* Contrahitur etiam interdum haereditario malo à parentibus, plerumque ab adventitijs causis, *Thesi 4. & sequentibus explicatis. Donat. ab Alzomar. de med. hum. corp. malis.*

8. Materia verò cumulat per influxionem, cum malum non sensim sed confertim existat: quanquam circa articulos aut interiecta spacia, sine vestigio tumoris per congestionem, materia etiam coaceruari soleat, unde acerrimus & constans dolor periostij, qui noctu potissimum ingrauescit, cuius ratio non est, quam reddit *Paræus lib. 18. c. 4.* quod tempore lecti virus excitet, & cogitatio non distracta dolorem incendat, quoniam cum haec rationes locum habeant, in omni dolore, sequeretur, quod omnis dolor, noctu exasperari deberet, & patiuntur dolorem, etiamsi in lecto se non defodiant, sed potius illa quam reddit *Claudinus cons. 80.* quod noctu potissimum conclusam noctis frigiditate materiam naturam expugnatura agitet & perturbet, quemadmodum dolores nephriticos eadem de causa ieiunis exacerbari experimur: Sed hic dolor non arthritidi, sed morbo Hispanico, seu Pudentagrarum familiaris est.

9. Deinde corporis eiusdem partium intemperiem & constitutionem variam, ex qua varij, diuersiq; humores generantur, ut si hepate calidissimo, frigidus & imbecillis inueniatur ventriculus, antecedentem causam probamus. A qua pendebit coniuncta, quam cum *Galeno de loc. aff. Auicen. lib. 2. tract. 7. c. 2.* *Aegineta lib. 3. c. 78.* *Hip. lib. de inter. affect. alijsq;*

Neotericis ponimus quemuis humorem crudum prænaturaliter ad articulos confluum, continuum soluentem; non tamen simpliciter purum sed mixtum, quod probant varij tumorum colores, dolores diuersi, accidentia varia, terminus declinationis non vnus ac rursus curandi ratio, varijs modis instituenda, ex necessitate diuersitatis causæ. *Mercat. de inter. morb. curat. lib. 4. p. 3.* Quis enim cum Fernel. pituitoso & seroso humori hæc omnia ascribere velit? Cum interdum etiam ingens dolor, calor, rubor, febris continua, aliaq; symptomata, iuuenibus natura calidis ac biliosis arthritide æstate laborantibus obuenant? nec frigidi & crassi humores sub propria forma angustos meatus permeare valeant, nisi admiculo bilis flauæ, quam scimus faciliter propter tenuitatem discuti, reliquum verò humorem illapsum crassescere & indurescere, ac nonnunquam in callos seu tophos, calculosq; abire. *Holl. lib. 1. de morb. inter. exerc. 63.*

10. Porro partem mandantem cum Fernelio *libr. 6. de sympt. c. 18.* non contendimus semper esse pericraneum, sed interdum esse totum caput, cum plerunq; è capite destillationes originem trahant, frequentissimè iecur, interdum lienem ventrem, vterum renes, & omnia viscera, aut totum corpus. Vnde etiam viam per quam fluit, comprobamus esse, aut inter carnem aut cutem, aut continuitatem musculorum membranarum, neruorum &c. aut ipsas venas & arterias, quæ ante doloris accessum tument & turgent: hinc in Plethoricis Phlebotomias profuisse obseruauimus, quod non eueniret, nisi materia per venas influeret. Et Galenus *com. 6. epid. sect. 4.* ex dysenteria aut Diarrhæa intempestiuè suppressa; aut ex Colica conuerso humoris impetu per venas ad articulos, item ex nephritide pituita à renibus ad articulos demissa, ex suppressione hæmorrhoidum, & ex obstructione mensium in foeminis &c. arthritidem ortam fuisse testatur.

11. Humo-

11. Humoris fluxus concitatur, vel à facultate expultrice mandantis, aut attractione recipientis. Pars enim mandans, irritata qualitate aut copia humoris, sua vi expultrice prædicta excrementa à se propellere conatur, ad partes magis debiles, & hæ vicissim ad debiliores. Attrahit verò pars recipiens, aut ob calidam intemperiem, aut ratione doloris, quatenus partes vicinas commouet, vt Spiritum cum sanguine ad partem dolentem effundant, quem motum promouent humoris fluxibilitas, & viarum patentia & laxitas. Proinde & à capite defluxionem demonstrant, capitis grauitas & ceruicis: crapula antegressa aërisq; inclementia, quin & tumor & dolor ad occipitium contactu ingrauescens. A venis verò magnis internis, febricula cum inæqualitate, dolor vagus, &c.

12. Notata parte mandante sub initio fluxionis, ex partibus affectis notabimus etiam qui humor potissimum corrumpatur, & peccet, tum ex signis ex quibus *Gal. in art. part.* temperamenta æstimat, tum ex colore, ex iuuantibus & lædentibus, & qualitatibus cæteris.

13. Sanguis enim in temperamento sanguineo, ætate iuuenili tempore vernali, & ex vsu præcedente alimentorum boni succi, tumorem producit ingentem, dolorem pulsatorium, colorem rubeum, & vrinam rubeam, pulsus plenum, accessiones quotidianas, minus tamen diurnas, quàm à pituita. A bile tempore æstiuo nullus ferè euidentis tumor, cuius color vergit ad flauedinem, multi tamen caloris sensus adest, qui punctione & erosione potius, quam tensione partem affligit, exasperationes tertio quolibet die & à calidis faciens. Vtrisq; non raro coniungitur febricula ex sanguine continue, ex bile tertianæ, aut hecticæ formam imitans.

14. Pituitam arguit in temperamento frigido & humido, tempore hyemali, & ex vsu refrigerantium, humectantium,

tium,

rium, ac inspissantium, tumor subluxus existens & tactui cedens, color subalbidus, dolor exiguus cum tensione & grauitate, vrina pallida, deiectiones mucosæ, exacerbationes quotidie diuturniores. Quemadmodum, si atra bilis in causa fuerit (quanquam rarò id contingit) innotescet ex temperatura Melancholica tempore autumnali: dolor profundus, perforatiuus percipietur, color verò ad liuidum seu plumbeum verget, exacerbationes quoq; quarto die redibunt cum frigoris sensu obtuso.

15. Ex complexu prædictorum humorum si fluores fiunt, quamuis agrè dignoscantur, & difficulter medicamentis elidantur, imò nullo ferè remedio sanescant, teste Paulo, ex signis tamen iam expositis siue ex iuuantibus, & lædentibus, siue etiam ex effectis, quemadmodum etiam status cum humore si coniungantur, coniunguntur, licet hoc proprium status habere videantur quod facile locum mutant, facileq; per auxilia appropriata dissipentur. Notandum insuper, quod Platerus cum Ambrosio Paræo ex symptomatum sauitia, si dolor, nullis cedens medicamentis diu noctuq; infestet, ita vt ossa exedantur, & corrodantur malignitatem accuset.

16. Prognostica variant, lethale tamen hoc symptoma non pronunciant, nisi propter doloris acerbicatem vires deiciat, vel ab imperito Medico humor à parte ignobili repellatur, iterum ad partes internas. Quibuscunq; ergò morbi Podagræ fiunt, ij sedata in 40. diebus inflammationem finiunt, *Hipp. 6. aphor. 49.* Nos pro quantitate & qualitate materiae, pro articuli differentia, situ, robore, aut imbecillitate, dolores solui, aut protrahi posse prædixerimus. Qui tophi seu calli appellantur, postquam in podagra producti fuerint, ne speraueris ad pristinam constitutionem exactè articulum redire posse. *Gal. 10. de comp. med.* Eunuchi neq; calui fiunt, neq; podagra laborant. *Hip. 6. aphor. 28.* Mulier podagra non laborat, nisi

uifi menstrua defecerint, 6. aphor. 29. Puer podagra non laborat, ante vsum Venereum, 6. aphor. 30. dolores Podagrici vere & autumno magna ex parte mouentur. Hip. & Gal. 6. aphor. 45. 17.

Curatio aggradienda à causa arthritidis, ab humoris nempe redundantis ablatione, vnde indicatio sumitur eam auferendi Imbecillitatem enim articulorum corrigendi prophylacticam seu præcautoriam curationis partem potiùs (de qua hic temporis angustia decepti non agemus) quam curatorem spectare erudimur. Cum autem humoris non tam fluxi quam fluentis & fluxuri cura sit habenda, diuersi nobis curandi offeruntur scopi: fluentes enim reuelimus fluxuros euacuamus, fluxos verò, veram causam continentem morbificam auxilijs tribus è Methodo medendi petitis. Diæta, pharmacacia & chirurgia, obseruatis causarum differentijs ex signis præcedentibus repetitis, abolemus & resoluimus.

18. Quare in arthritide aër generaliter sit purus & temperatus pro diuersitate causarum ad certam qualitatem vergens, vt plurimum tamen declinet ad siccitatem: Alimenta adhibeantur parcissima, concoctu facilia, nunquam vaporosa. Potus sit cereuisia benè cocta & lucida, aut aqua in qua parum cinamomi, anisi &c. decocta fuerit, exercitium tempore fluxionis nullum imperetur, serium malo quiescente: Somnus moderatus concedatur & animi perturbationes in fugam conijciantur, Venusq; inimica exulet. Aëtius lib. 2. 6. 20.

19. Respectu humorum peccantium arthritidi à sanguine competit cibus refrigerans & exsiccans, minimumq; nutriens, & subducta aluo blandiori pharmaco phlebotomia: Incidimus autem venam vel brachij dextri vel sinistri interdum cruris, poplitis, Saluatellam &c. pro vt affectus hanc vel aliam partem occupat. Imò si dolor totum corpus obsederit, ex illo membro, quod minus dolet, sanguinem copiosum

B

sum

sum fundimus. Sanguis enim inflammatus in bilem vertitur,
& serofos humores acriores reddit. *Cels. lib. 4. c. vlt.* Phlebotomia vicem interdum supplet alij sanguinem educendi modi, de quibus *Alim. de Med. hum. corp. mal.* Postea ex usu sunt Topica Embrocationes, quæ inflammationem tollunt, materiam repellunt, discutunt &c. In principio tamen conveniunt magis refrigerantia, vt sunt Ol. Ros. Nenuph. Lac, Succ. Citrul. Mandrag. Portulac. Hyosciami, Mucillag. Pssyll. cum album oui &c. In augmento verò discutientia & dissipantia Ol. Camomel. Liliac. Sem. Lini fanugr. In statu solum moderatè discutientia, vt farin. hordei. fabac. adeps gallin. Ol. Laurin. Simila cum Croc. &c.

20. Bilosam arthritidem victus ratione causæ contraria instituta & acrimonia bilis prius correctæ Syr. de Cich. vel ex infus. Rosar. &c. dissolut. in Aq. approp. retundimus Cholagogis primò leuioribus, vt Catholico, Cassia Syr. Ros. fol. &c. postea fortioribus vt Diacarth. Elect. de succ. Ros. reliquias verò partim per diuretica partim per diaphoretica extirpamus, vt Sal. Cardobened. volat. absinth. gratiol. & ex capital. cat. euctus Item Sal. Tartar. antimon. fix. ad eundem, sudores qui eximius, pro facultate ægrotantium. Nitr. sulphurat. (quod & anodynū) propinat in approp. aut in aq. limpida Antimonij, ex corpore eius toto crudo, quæ elicitur, quam experimur insuper vim habere, non tantum corroborandi cor, sed & depurgandi balsamum vitalem. Nec negligimus externa, Topica dolorem lenientia, repellentia, & discutientia, qualia sunt: Ol. Ros. cum Opio. Item aq. refriger. Nymph. Ros. Plantag. addito acer. pauxill. Emplast. ab Holler. C. de arthrit. vbiq; prædicatum.

21. Pituita peccante simplici iniicimus Clysteres acres ex herb. Beton. Mercurial. Parietar. flor. Camomel. Sem. fenic. Cumin. fol. Rutæ Centaur. addito Ol. rutac. Lil. mel Rosat.

Rosat. aut Mercur. & Hier. comm. vel Lagod. aut Benedict.
laxat. Clysterium enim hic magna est utilitas, si superiores
articuli pituitoso succo infestentur, præsertim si opera detur,
vt conuenienti modo & quantitate adhibeantur, *Aeginet. lib.*
1. c. 44. Ruff. Ephes. lib. de ves. & ren. affect. Quibus affinia
sunt suppositoria, quæ *Hip. de rat. vict. glandes* vocat. Infe-
riores verò si magis ægrotauerint, vomitum præscribimus,
imprimis assuetis, ex aq. tepida, cum Ol. Oliu. & pul. asari
vel ex infus. Rubin. antimon. aut Sal. vitri Rom. materiam
quandoq; præparando Oxymel. ab *Alexandro Trall. lib. 11.*
descripto, vel simpl. vel Scyllit. Syr. è Stach. mell. ros. antho-
sat. dissolutis in decocto, vel aq. still. herb. Hysop. Salu-
menth. Stach. Beton. herbæ Paralyf. Chamæd. Iuæ arthet.
quæ tandem etiam educitur per os inferius Phlegmagogis.
Agar, Turbith Pill. de Hermodact. de Hiera &c. quibus o-
mnibus palmam præripiunt, extracta ex iisdem medicamen-
tis debite præparata, & Aq. Benedicta, dicta D. D. Mylij
practici celeberrimi in Sil. quæ ex Hermodact. rubin. anti-
mon. Fol. Sen. Alex. Rabarb. ex infus. tinctur. Chamæd. & vi-
ni alcoholis conficitur. Topica applicamus ex decocto Origan.
Melilot. Chamomil. vel cum spongia, vel alio modo, & eun-
dem locum dolentem axung. human. vrsin. & Ol. Lumbric.
in quo castor. dissolutum fouemus.

22. Pituitam salsam existentem eodem ferè modo tracta-
bimus, Diaphoreticis & Diureticis commixtis vnde cum de-
coct. Chamæd. Salu. Stach. Amar. Rosmar. Acori Iuæ ar-
thet. Cicerum, Rad. aperit. Sem. Melon. &c. propinamus
destillat. lig. Guaiaci quod minus onerat ventriculum & su-
dorem perfectius extrahit, quoniam substantia ligni propter
soliditatem minus promptè corpus permeare potest, aut de-
coct. Guaiaci addito Sassafras. cuius si non maior certè æ-
qualis est cum Guaiaco efficacia, pituitam etiam crassam atte-
nuandi

nuandi & viscidam incidendi, nec non abstergendi & ab infarctibus liberandi propter amaritiam putrediniq; resistendi. Miscemus interdum Spir. Vitrioli cum Sal. perlar. & Spir. Sulph. qui vehementer exsiccant, quorum alter etiam hoc habet amplius, vt non tantum balsamum, totius corporis, sed potissimum pectoris & cordis ab omnibus sordibus integrum præstet, & conseruet, Commendamus insuper Spir. Terebinth. Cypriat. aurei coloris debito vehiculo commixtum. & Tartar. Vitriolat. cum Gutta gummi, qui & in pituita crassa feliciter adhibetur, & Melancholico humore prædominante, quæ tamen alias crebris præparationibus ex potu decoct. lupuli, fumar. Scolopend. Cuscutæ Rad. Buglos. flor. Genist. &c. & purgationibus, vt fol. Sen. Myrabolan. fol. Helleb. & interdum rad. eiusdem Pill. coch. cum Helleb. &c. efficacius verò Essent. Helleb. extract. Esul. Turpeth. mineral. florib. antimon. Aq. simp. igne extract. antimon. Diatart. solut. &c. tantum expugnamus.

23. Flatus discutimus Clysteribus, præmissis digerentibus & materiam educentibus, inunctionibus varijs ex oleis calidis, qualia sunt Ol. Castor. Aneth. Camom. Anisi, quod & in potu datur cum vehiculo tenui, veluti & carui & cumini et decoct. flor. Camomil. in vino Maluat. Malignitatem autem delemus Syr. de succ. Citr. granator. de succ. Card. Syr. de Corall. Magister. perlar. Corall. Hiacinth. quæ per credentia menstrua aceto radicato, succo Limon. & spir. salis præparantur, & dum in salem reuerberantur, spir. Guaiaci aut acet. Terebinth. denuò imprægnantur, vt accessione Magisteria accommodatiora efficiant, Dn. D. Arnif. præceptore nostro honorando astipulante.

24. Palliativam curam molimur, interdum anodynis & narcoticis intus & foris adhibitis, ad quem scopum collimant vulgaria Practicantium remedia, vt sunt Camphor. Pill. de Cyno

Cyno gloss. Phylon. Req. Nicol. & Opium tutissimè quod adhibetur, quod in magna Dosi Theriacam ingrediatur Matth. Epist. lib. 5. Valer. Cord. dispens. Lugdun. Quemadmodum etiam patet, si supputetur ipsius Dosis. Accedit quod vniuersa Asia, & Mauritania teste D. Garcia ab Horto hist. Arom. & simpl. Ind. lib. 1 c. 4. edit. Latine, quæ opera Caroli Clusij prodijt frequentissimè eo in victu vtatur, adeò, vt eo abstinentes periculum vitæ incurrant. Nec enim vis illa stupefaciendi, quæ inest Opio à frigore intensissimo producitur, sed à calore, siquidem sulphurea & oleosa inde elicitur substantia. Et assumpto Opio sudores mouentur, sitis excitatur, Venus stimulat, foetor plusquàm Mephiticus, & pruritus. percipitur. Matth. com. in lib. 4. Diosc. c. 60. Capiuac. prax. lib. 7. c. 9. Adde quod insigni non caret amaritudine: quæ causæ erunt, quod ^{vaporibus} causam tantum agnoscamus, tetrum illum odorem, qui neruis inimicus & contrarius, quasiq; appropriatus, non secus ac Castoreum vtero, interim tamen etiam aliquid occulti accedere. Laudanum tamen Opiatum, quod felicissimè adhiberi vidimus, & sulphur Vitrioli ad g. iij. iiij. v. vj. cum liquore conuenienti meritò præferimus, & balsamum hunc Chymicum partibus dolentibus à causa frigida inungimus, qui recipit Ol. Mandib. infer. vet. equor. tempest. diu expos. Ol. Off. human. ☉. & ♃. multis annis expos. & Ol. è sang. cerui mixtis & rectificat. additur Ol. Phil. Terebinth. Iunip. & destill. denuo in B. M.

25. Ad quam curam referimus illam, quando urgente necessitate fluxum in parte mandante detinemus, quod præstant tam interna, vt pill. paratæ ex mastich. thur. styrac. Bolo, Rasur. dent. apri Spic. Celt. Croco, additis gr. v. Opij cum Syr. de papau. Si duæ vel tres versus vesperam vel diluculum deglutiantur: quam externa medicamenta, si Salu. Maior Beton. Iua flor. Stæch. Lauend. Rosmar. cum Agar

&c. in lixiuio sarmentor. vitis decoquantur, & caput eo irrigetur, aut Spir. vini non sine periculo lauetur, licet post ablu- tionem, ne propter humectationem humores fluxiles red- dantur, caput statim linteis calidis suffumigatis mastich. Sandarach. succin. &c. abstergatur & pulueres postea capiti à nonnullis aspergantur, ex capitalibus, alijsq; siccantibus, vt sem. nigell. mastich. fol. salu. flor. Lauend. Rosmar. Amara. Thymi, Serpylli. Nos ex enumeratis herbis aridis concedi- mus fumum per fistulam argenteam aut figulinam, ore exce- ptum vt per nares humor excernatur, cerebrumq; exsicce- tur. Tabacum aliàs vsitatum repudiantes.

26. Articuli, ne humores recipiant, in declinatione re- focillantur, irrigationibus, fomentationibus, inunctionibus &c. de quibus Pract. Omnibus tamen medicamentis præ- ferendæ Acidulæ, tum ob facilem earum vsum, tum ob illa- rum vim insignem humores serosos & destillationum ma- teriam per vrinas & sudores detergendi, renes & vias vrina- rias ab infarctu purgandi, interna viscera roborandi vi adstri- ctoria qua pollent maxima Holler. Balaustra vino rubro, & austero incocta vsurpari suadet. Alij in aceruum vinaceo- rum ab vuis nigris expressis congestum dum efferuescendo calet, mane aliquoties pedes aut manus immergunt.

27. Tophi in articulis imminuuntur non tolluntur (tol- lere nodosam nescit Medicina podagram) fotu emollien- tium, vt decoct. ex cap. castrat. malu. lapat. pingued. gall. human. anser. Vrsi. Ol. de Euphor. ligni sanct. Caryophill. &c. Vide Plater. Leonin. &c. Hisce verò non succedentibus cum Hip. confugimus ad ferrum & ignem.

Q V A E S T I O.

Vtrum fontanella in Arthritide adhibenda?



Clariss. & doctissimo viro,

DN. MARTINO GOSKYO,
L. Sil. populari meo cariss. amico summè co-
lendo, de arthritide, pro summo in arte medicâ gra-
du consequendo, disputanti, *εὐχαριστίας* hæc
paucula scribebam.



GOSKYVS vt quondam luctantem fortè podagram
Legit non tolli posse medentis ope.
Indoluit; medicamq; artem miseratus inermem,
Nobile Phæbea texuit artis opus.

Adduxitq; mali causas, legesq; medendi
Explicuit veteres, explicuitq; novas.
Quid tibi pro tali reddemus munere GOSKY,
GOSKY Slesiaci gloria magna soli?
Candida mox magnum spargatur fama per orbem;
Nota sit Eois, Hesperysq; viris.

FRIDERICVS IENCKIUS,
Suebusiensis SIL.

F I N I S.



DM A R T I N O G O S K Y O

I. 21. Opus in 2. partibus. In 1. parte de
... ..
... ..
... ..

... ..
... ..
... ..
... ..

... ..
... ..
... ..
... ..
... ..
... ..

... ..
... ..

